




宋史卷十五

本紀第十五

神宗二

三年春正月癸丑錄唐李氏周柴氏後乙卯詔諸路散青苗錢禁抑配戊午判尚書省張方平罷知陳州二月壬申以翰林學士司馬光爲樞密副使凡九辭詔收還敕詰甲戌以河州刺史晁欺丁本征爲金紫光祿大夫檢校刑部尚書乙酉韓琦罷河北安撫使爲大名府路安撫使三月丙申孫覺呂公著張戢程顥李常上疏極言新法不聽己亥始策進士罷詩賦論三題戊申李常言青苗斂散不實有旨具析翰林學士兼知通進銀臺司范鎮封還詔書以爲不當坐罷職守本官壬子賜禮部奏名進士明經及第八百二十九人乙卯詔諸路毋有畱獄丙辰立試刑法及詳刑官右正

言孫覺以奉詔反覆貶知廣德軍夏四月癸亥幸金明池觀水嬉宴射瓊林苑丙寅遼遣耶律寬來賀同天節丁卯給兩浙轉運司度僧牒募民入粟戊辰御史中丞呂公著貶知潁州己卯趙抃罷知杭州以韓絳參知政事監察御史裏行程顥罷爲京西路同提點刑獄壬午右正言李常貶通判滑州監察御史裏行張戢貶知公安縣王子韶貶知上元縣癸未侍御史知雜事陳襄罷爲同修起居注程顥簽書鎮寧軍節度判官公事前秀州軍事判官李定爲太子中允監察御史裏行五月癸巳詔竝邕州郡毋給青苗錢太白晝見壬寅詔令司馬光詳定轉對封事甲辰詔罷制置三司條例歸中書辛亥賜進士蘇丕號安退處士壬子罷入閣儀丁巳詔以審官院爲東院別置西院六月癸酉日有五色雲丁丑封宗室秦魯蔡魏燕陳越七王後爲公戊寅詔修武成王廟丙戌知諫

院胡宗愈貶通判眞州秋七月辛卯歐陽修徙知蔡州壬辰呂公弼罷樞密使以知太原府馮京爲樞密副使置潞州交子務戊戌雨雹癸丑詳定宗室襲封制度甲寅置三班院主簿八月戊午罷看詳銀臺司文字所丙寅以旱慮囚外臯以下遞減一等杖笞者釋之以衛州早令轉運司振恤仍蠲租賦戊寅詔川峽福建廣南七路官令轉運司立格就注具爲令遣張景憲等賀遼主生辰正旦巳卯夏人犯大順城知慶州李復圭以方略授環慶路鈐轄李信慶州東路都巡檢劉甫監押种詠出戰兵少取敗復圭誣信等違其節制斬信及劉甫种詠歿於獄是月慶州巡檢姚兕敗夏人於荔原堡鈐轄郭慶都監高敏歿之九月戊子朔中書置檢正官乙未韓絳罷爲陝西宣撫使己亥始試法官庚子曾公亮罷爲司空兼侍中河陽三城節度使辛丑以馮京參知政事翰林學士吳

充爲樞密副使乙巳親策賢良方正及武舉壬子太白晝見癸丑
作東西府以居執政司馬光罷知永興軍詔環慶陳卽義勇餘丁
當刺者悉免之冬十月辛酉詔延州毋納夏使甲子雨木冰壬申
朝謁神御殿丙子知慶州李復圭擅興兵敗績誣裨將李信劉甫
种詠以死御史劾之貶保靜軍節度副使戊寅陳升之以母憂去
位乙酉詔罷諸場務丙侍監常十一月戊子振河北饑民徙京西
者己丑官節行之士二十一人壬辰蠲陝西蕃部貸糧癸卯授布
衣王存下班殿侍三班差使宣撫司指揮使甲辰夏人寇大順城
都監燕達等擊走之庚戌詔升朝官除南郊赦封贈父母外不得
以加恩轉官乙卯以韓絳兼河東宣撫使梓州路轉運使韓琦等
以能興利除害賜帛有差十二月己未詔立諸路更戍法舊以它
路兵襍戍者遣還乙丑立保甲法丁卯以韓絳王安石竝同中書

門下平章事王珪參知政事賜布衣陳知彥進士出身知縣王輔
同進士出身庚午夏人寇鎮戎軍三川砦巡檢趙普伏兵邀擊敗
之丁丑增廣南攝官奉戊寅初行免役法賜西蕃董璲詔并衣帶
鞍馬庚辰命王安石提舉編修三司令式壬午遼遣蕭遵道等來
賀正旦癸未命宋敏求詳定命官使臣過犯是歲振河北陝西旱
饑除民租交趾入貢廣源下溪州蠻來附

四年春正月丁亥朔不視朝己丑种諤襲夏兵于囉兀北大敗之
遂城囉兀自是夏人日聚兵爲報復計言者以諤爲稔邊患不便
壬辰王安石請鬻天下廣惠倉田爲三路及京東常平倉木從之
乙未渝州夷賊李光吉叛巡檢李宗閔等戰歿命夔州路轉運使
孫構討平之詔詳定大辟覆讞法丁酉朝謁太祖太宗神御殿庚
子幸集禧觀宴從臣又幸大相國寺御宣德門觀燈韓絳等言种

諤領兵入西界斬獲甚眾詔遣使撫問乙巳停括牧地丁未立京
東河北賊盜重法庚戌罷永興軍買鹽鈔場甲寅定文德殿朔望
視朝儀二月丁巳朔罷詩賦及明經諸科以經義論策試進士置
京東西陝西河東河北路學官使之教導辛酉詔治吏沮青苗法
者戊辰詔振河北民乏食者賻恤西界戰歿軍人庚午于闐國來
貢壬申進封高密郡王額爲嘉王癸酉詔審官院所定人赴中書
察堪任者引見甲戌賜討渝州夷賊兵特支錢丁丑禱雨詔增漳
河等役兵三月丁亥夏人陷撫寧堡戊子慶州廣銳卒叛尋討平
之庚寅詔給諸路學田增教官員辛卯遣使察奉行新法不職者
癸卯減河東陝西路囚梟一等徒以下釋之民緣軍事科役者蠲
其租賦丙午种諤坐陷撫寧堡責授汝州團練使潭州安置丁未
韓絳坐興師敗衄罷以本官知鄧州辛亥錄唐李氏後夏四月丙

辰朔恤刑辛酉遼遣蕭廣等來賀同天節壬戌遣環慶都鈐轄并
贊以兵屯邠涇河中以備西夏癸亥罷陝西交子法癸酉司馬光
權判西京留臺种諤再貶賀州別駕甲戌詔司農寺月進諸路所
上雨雪狀丙子遣使按視宿亳等州災傷仍令修飭武備壬午定
進士考轉官五月甲午右諫議大夫呂晦卒壬寅詔許富弼養疾
西京丙午高麗國來貢辛亥詔宗室率府副率以上遭父母喪及
嫡孫承重竝解官行服壬子詔恩冀等州災傷遣使振恤蠲其稅
六月丁巳河北饑民爲盜者減外刺配庚申羣臣三上尊號曰紹
天法古文武仁孝皇帝不許甲子歐陽修以太子少師致仕丙寅
慮囚甲戌富弼坐格青苗法徙判汝州秋七月戊子層檀國來貢
甲午振恤兩浙水災乙未錄外事將校崔達子遇爲三班奉職丁
酉監察御史裏行劉摯罷監衡州鹽倉御史中丞楊繪貶知鄭州

庚子詔宗室不得祀祖宗神御丁未詔唐鄧給流民田八月癸丑朔高麗來貢遣官體量陝西差役新法及民間利害甲寅詔郡縣保甲與賊鬪外傷者給錢有差庚申復春秋三傳明經取士癸酉遣楚建中等賀遼主生辰正旦置洮河安撫司命王韶主之九月丙戌河決鄆州辛卯大饗明堂以英宗配赦天下內外官進秩有差庚子夏人入貢癸卯增選人奉冬十月壬子朔罷差役法使民出錢募役立選人及任子出官試法丙辰置樞密院檢詳官戊辰立太學生內外上舍法丙子詔舉人配流遇冬者至中春乃遣十一月壬午朔詔凡賞功罰舉事可懲勸者月頒之天下甲申詔蠲逋租丁亥作中太一宮壬寅開洪澤河達于淮十二月辛亥朔詔增賜國子監錢四千緡戊午歸夏俘己未安定郡王從式薨甲子封越國公世清爲會稽郡王丙寅省諸路廂軍乙亥崇義公柴詠

致仕子若訥襲封丙子遼遣耶律紀等來賀正旦

五年春正月己丑詔聽降羌歸國己亥詔太廟時饗以宗室使相
已上攝事置京城邏卒察謗議時政者收舉之二月壬子龜茲來
貢以兩浙水賜穀十萬石振之仍募民興水利壬戌詔罷陝西遞
運銅錫癸亥太白晝見丙寅以知鄭州呂公弼爲宣徽南院使判
秦州龍圖閣直學士蔡挺爲樞密副使三月甲午李日尊卒子乾
德嗣遣使弔贈戊戌富弼以司空致仕進封韓國公立文武換官
法丙午以內藏庫錢置市易務夏四月庚戌朔立殿前馬步軍春
秋校試殿最法乙卯遼遣耶律適等來賀同天節己未括閑田置
弓箭手辛未塞北京決河五月辛巳詔以古渭砦爲安遠軍命王
韶兼知軍行教閱法宗室非袒免親者許應舉庚寅以青唐大首
領俞龍珂爲西頭供奉官賜姓名包順壬辰以趙尚寬等前守唐

州辟田疏水有功增秩以勸天下丙午太白晝見行保馬法六月
壬子曾公亮以太傅致仕癸亥詔以四場試進士丙寅作京城門
銅魚符乙亥置武學秋七月壬寅初以文臣兼樞密都承旨閏月
庚戌遣中書檢正官章惇察訪荆湖北路詔入內供奉官以下已
有養子更養次子爲內侍者斬八月甲申太子少師致仕歐陽修
夢秦鳳路沿邊安撫王韶復武勝軍丁亥詔求歐陽修所撰五代
史壬辰以武勝軍爲鎮洮軍癸巳遣崔台符等賀遼主生辰正旦
乙未詔侍從及諸路監司各舉有才行者一人甲辰王韶破木征
于鞏令城頒方田均稅法九月癸丑許宗室試換文資癸亥始御
便殿旬校諸軍武技丙寅少華山崩詔壓歿者賜錢貧者官爲葬
祭淮南分東西路冬十月戊戌升鎮洮軍爲熙州鎮洮軍節度置
熙河路減秦鳳四驛一等十一月癸丑河州首領瞎藥等來降以

爲內殿崇班賜姓名包約丁卯貶權監察御史裏行張英監荆南
稅王申分陝西爲永興秦鳳路仍置六路經略司章惇開梅山置
安化縣十二月丙子赦亡命荆湖溪洞者丁丑詔太原置弓箭手
戊寅詔寺觀奉聖祖及祖宗陵寢神御者免役錢改溫成廟爲祠
壬午陳升之爲樞密使癸未雨土乙未築熙州南北關及諸堡砦
己亥遼遣蕭瑜等來賀正旦

六年春正月辛亥復禧祖爲太廟始祖以配感生帝祧順祖于夾
室二月辛卯夏人寇秦州都巡檢使劉惟吉敗之丙申永昌陵上
宮東門火王韶復河州獲木征妻子壬寅以韓絳知大名府三月
己酉詔贈熙河外事將田瓊禮賓使錄其子三人孫一人庚戌親
策進士置經局命王安石提舉辛亥試明經諸科丙辰以四月朔
日當食自丁巳避殿減膳降天下囚臯一等流以下釋之己未置

諸路學官壬戌賜奏名進士諸科及第出身五百九十六人甲子
交州來貢丁卯宰相上表請復膳不許詔進士諸科竝試明法注
官戊辰置刑獄檢法官庚午封李日尊子乾德爲交阯郡王夏四
月甲戌朔日食不見乙亥御殿復膳西南龍蕃諸夷來貢置律學
丁丑遼遣耶律寧等來賀同天節甲午定齊徐等州保甲戊戌裁
定在京吏祿五月癸卯朔播州楊貴遷遣子光震來貢以光震爲
三班奉職戊申禱雨乙丑詔京東路察士人有行義者以聞遣中
書檢正官熊本措置瀘夷西京左藏庫副使景思忠等攻燒遂州
夷固戰歿錄其子昌符等七人軍士歿者賜其家錢帛有差辛未
西南龍蕃來貢六月己亥置軍器監秋七月乙巳詔京西淮南兩
浙江西荆湖等六路各置鑄錢監丙午大食陀婆離來貢己酉禱
雨甲寅錄在京囚外臯以下降一等杖臯釋之丁巳詔沿邊吏殺

熟戶以邀賞者戮之乙丑分河北爲東西路丙寅夜西北有聲如
磴八月壬申朔遣賈昌衡等賀遼主生辰正旦甲申罷簡州歲貢
縣紬甲午賜熙河涇原軍士特支錢戊戌復比閭族黨之法九月
壬寅置兩浙和糴倉立斂散法戊申詔興水利辛亥策武舉戊午
岷州首領木令征以其城降王韶入岷州丙寅太白犯斗戊辰詔
禱雨決獄冬十月辛未章惇平懿洽州蠻辛巳以復熙河洮岷疊
宕等州御紫宸殿受羣臣賀解所服玉帶賜安石甲申朝獻景靈
宮丙戌振兩浙江淮饑壬辰行折二錢丁酉遣使脣熙河戰骨十
一月癸丑中太一宮成減天下囚臯一等流以下釋之乙卯親祀
太一宮丙寅大雪詔京畿收養老弱凍餒者十二月戊子詔決開
封府囚丙申遼遣耶律洞等來賀正旦
七年春正月辛亥賞復岷洮等州功西京左藏庫使桑湜等遷官

有差壬子幸中太一宮宴從臣又幸大相國寺御宣德門觀燈乙卯封皇子俊爲永國公甲子熊本平瀘夷二月辛未于闐來貢發常平米振河陽饑民癸未詔三司歲會天下財用出入之數以聞己丑禱雨辛卯置客省引進四方館閣門使副等員乙未知河州景思立等與青宜結鬼章戰于踏白城敗殂廢遼州三月壬寅木征鬼章寇岷州高遵裕遣包順等擊走之慮囚減殂皁一等杖以下釋之癸卯以旱避殿減膳乙巳白虹貫日丙午遣使分行諸路募武士赴熙河庚戌詔熙河殂事者家給錢有差罷兩浙增額預置紬絹令諸路監司察畱獄癸丑羣臣表請復膳不許丙辰遼遣林牙蕭禧來言河東疆界命太常少卿劉忱議之己未行方田法甲子遣使報聘于遼乙丑詔以災異求直言夏四月癸酉以旱罷方田是日雨遼遣耶律永寧等來賀同天節乙亥王韶破西蕃於

結河川丙子御殿復膳己所以高遵裕爲岷州團練使甲申詔邊
兵外事無子孫者廩其親屬終身乙酉王韶進策珂諾城與蕃兵
連戰破之斬首七千餘級焚三萬餘帳木征率酋長八十餘人詣
軍門降雨雹丙戌王安石罷知江寧府以韓絳同中書門下平章
事監修國史翰林學士呂惠卿參知政事置沅州丁酉詔王韶發
木征及其家赴闕遼遣樞密副使蕭素議疆界于代州境上五月
戊戌朔減熙河路囚皐一等流以下釋之辛丑詔河州瘞蕃部暴
骸壬寅雨雹癸卯大雨雹辛亥罷賢良方正等科乙丑大雨水壞
陝平陸二縣六月戊寅賜討洮州將士特支錢丁亥作渾儀浮漏
廣州鳳皇見以木征爲榮州團練使賜姓名趙思忠秋七月癸卯
羣臣五上尊號曰紹天憲古文武仁孝皇帝不許癸亥詔河北兩
路捕蝗又詔開府淮南提點提舉司檢覆蝗旱以米十五萬石振